



Broj: 04-50-993-16/23

Sarajevo, 04. 05. 2023. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10-05-2023

Organizaciona jedinica	Klasifikaciona oznaka	Redni broj	Broj priloga
02-	50-6-	164/23	


DOM NARODA PARLAMENTARNE SKUPŠTINE BiH

PREDMET: *Odgovor na delegatska pitanja g-dina Sredoje Nović, dostavlja,-*

Veza: Vaš akt broj: 02-50-6-16-4./23 od 12.04.2023. godine

Dostavlja se odgovor na postavljena delegatska pitanja, g-din Sredoje Nović, delegata u Domu naroda Parlamentarne skupštine Bosne i Hercegovine u vezi dodjele zahvalnice.

Molimo da odgovor proslijedite uvaženom delegatu g-din Sredoje Noviću.



MINISTAR

Zukan Helez

Dostaviti:

- Naslovu
- a/a



Broj: 04-50-993-16-1/23

Sarajevo, 04. 05. 2023. godine

Delegat Sredoje Nović, delegat u Domu naroda Parlamentarne skupštine Bosne i Hercegovine, u skladu sa članom 156. stav (1) Poslovnika Doma naroda Parlamentarne skupštine Bosne i Hercegovine, dostavio je delegatska pitanja:

- „Da li je tačno da je štab Oružanih snaga ili neko drugi unutar Oružanih snaga dodijelio priznanje „Udruženju sedme muslimanske viteške brigade iz Zenice“;
- Ako je tačno ko je i kada pokrenuo inicijativu-zahtjev da se dodjeli priznanje, kome je upućena, na koji organ ili lično;
- Ko je sve upoznat sa tim i ko je odlučio da se dodjeli priznanje, da li je o tome odlučivala neka komisija, ili pojedinci iz Zajedničkog štaba Oružanih snaga Bosne i Hercegovine, Ministarstva odbrane (ministar i oba zamjenika) ili neko drugi;
- Da li je time narušena neutralnost Oružanih snaga Bosne i Hercegovine, narušena ljudska prava drugih;
- Na osnovu kojeg zakonskog osnova proizilazi ovlaštenje da se dodjeljuju ovakva priznanja?“

Na postavljena pitanja, Ministarstvo odbrane Bosne i Hercegovine dostavlja slijedeće :

ODGOVORE

- Udruženju „7. muslimanska brigada“ u proteklom periodu nisu dodjeljivana bilo kakva priznanja predviđena Pravilnikom o nagradama i pohvalama MO i OS BiH. Provjerom i analizom navoda tretiranih u postavljenom delegatskom pitanju od 12.04.2023. godine, utvrđeno je da je dodijeljena zahvalnica udruženju „7. muslimanska brigada“, čije ime nosi i kasarna u Zenici. Zahvalnica je dodijeljena od strane komandanta 1/5. pbr., ujedno komandanta lokacije u Zenici za saradnju sa prednje tretiranim udruženjem,.

Dodjela „zahvalnice“ kao konkretne vrste nagrade, ili pohvale unutar odbrambenog sistema, ili prema civilnim strukturama nije obuhvaćena Pravilnikom o nagradama i pohvalama Ministarstva odbrane i Oružanih snaga BiH.

- Ministarstvo odbrane je zaprimilo uobičajeni zahtjev za obilježavanje godišnjica, te su shodno mišljenju Zajedničkog štaba OSBiH, odobrene aktivnosti obilježavanja 30. godišnjice formiranja 7. muslimanske viteške oslobodilačke brigade na lokaciji kasarne „7. muslimanska brigada“ u Zenici, odlukom broj: 06-03-33-2282-4/22 od 16.11. 2022. godine.¹ U predmetnom zahtjevu uopšte nije navedena bilo kakva inicijativa o dodjeli zahvalnice.

- O dodjeli zahvalnice nije bilo najava. Samim tim, nije bilo potrebno da se provedu procedure predviđene Pravilnikom o nagradama i pohvalama u MO i OSBiH. Dakle, nije bilo komisijskog rada, ni odluke ministra odbrane uz konsultacije sa zamjenicima ministra odbrane.

- Budući da je korpus ljudskih prava primarno normiran Evropskom konvencijom o zaštiti ljudskih prava i temeljnih sloboda, a čije norme imaju supremaciju nad domaćim zakonodavstvom, konstatacija o narušavanju neutralnosti Oružanih snaga BiH u konkretnom slučaju je neutemeljena. Da bi eventualno došlo do narušavanja zaštićenih elemenata ljudskih prava, neophodno je direktno prekršiti norme Evropske konvencije o zaštiti ljudskih prava i temeljnih sloboda.

- Prednje elaborirane aktivnosti nisu normirane zakonskim propisima, ni podzakonskim aktima, nego se iste odvijaju u skladu sa „Administrativnim standardnim operativnim procedurama“ Zajedničkog štaba OSBiH, koje preciziraju aktivnosti, te funkcionisanje jedinica i organizacijskih cjelina Oružanih snaga BiH. Predmetne aktivnosti se kontinuirano odvijaju na svim vojnim lokacijama.

Budući da se kontinuirano analiziraju situacije za regulisanje, to će i ova konkretna iz delegatskog pitanja biti uzeta u razmatranje za detaljnije administrativno uređenje.

¹ Kao što je uobičajeno prilikom obilježavanja godišnjica, predmetnom Odlukom je odobreno angažovanje resursa Oružanih snaga BiH: jedinice Oružanih snaga BiH za odavanje počasti jačine pješadijske desetine s naoružanjem, i ulazak gostiju u krug kasarne „7. Muslimanske brigade“ u Zenici, te korištenje kapaciteta kasarne za realizaciju aktivnosti za podjelu ručka do 250 osoba. Artikle ishrane je osigurao podnosilac zahtjeva uz odgovornost za ispravnost istih.